

REGLUR

38

27. marz

um félagsheimilið Freyvang.

1. gr.

Nafn félagsheimilisins er Freyvangur í Öngulsstaðahreppi, Eyjafjarðarsýslu. Lóðin er keypt af eigendum Y-Laugalands. Lóðarstærð er rúmur einn hektari umhverfis húsið og er hún afgirt.

Eigendur félagsheimilisins eru:

Öngulsstaðahreppur	að 52 %
Ú. M. F. Ársól	— 8 %
Ú. M. F. Ároðinn	— 8 %
Ú. M. F. Væringjar	— 4 %
Kvenfélagið Aldan	— 8 %
Kvenfélagið Voröld	— 8 %
Slysavarnadeildin Keðjan	— 4 %
Framfarafélag Öngulsstaðahrepps ..	— 8 %

2. gr.

Húsnefnd, kjörin árlega, stjórnar félagsheimilinu. Hún er þannig skipuð, að hreppsnefnd Öngulsstaðahrepps kys tvo fulltrúa en hvert hinna félaganna einn fulltrúa.

Heimilt er húsnefnd að kjósa úr sínum hópi þriggja manna framkvæmdanefnd, er starfi í umboði húsnefndar milli funda.

Varamenn skulu kjörnir á sama hátt og aðalmenn.

Húsnefnd skiptir sjálf með sér verkum. Hún skal halda nákvæma gerðabók um störf sín. Ef félagsheimilið hættir störfum, skal afhenda Þjóðskjalasafni Íslands gerðabækur þess til vörzlu.

3. gr.

Húsnefnd heldur fund, er þurfa þykir. Skylt er henni að halda fund, ef $\frac{1}{3}$ nefndarmanna æskja.

Aðalfundur eigenda félagsheimilis skal vera ár hvert. Skulu þangað kvaddir með hæfilegum fyrirvara stjórnendur allra þeirra félaga, sem eru eigendur félagsheimilis. Þó eigi fleiri en þrjú frá hverju félagi. Á fundinum skal húsnefndin leggja fram rekstrar- og efnahagsreikning félagsheimilisins fyrir síðastliðið ár, endurskoðaða af endurskoðendum sveitarsjóðsreikninga. Einnig leggur hún fyrir fundinn fjárhagsáætlun fyrir félagsheimilið á yfirstandandi ári.

Fjárhagsáætlunin skal gerð svo nákvæm sem unnt er. Eigi má efna til verulegra útgjalda, nema samþykkt hafi verið á aðalfundi eða aukafundi sömu aðila og sæti eiga á aðalfundi. Gildir þetta jafnt um rekstrargjöld og stofnkostnað.

Reikninga og fjárhagsáætlun skal bera undir atkvæði fundarmanna. **Félagsstjórnir** skýra frá því á aðalfundi, hvern þær hafa valið af sinni hálfu í húsnefnd næsta ár.

Afrít af ársreikningum félagsheimilisins skal senda félagsheimilásjóði.

Félagsheimilið skal rekið sem sjálfstæð stofnun með sérstöku reikningshaldi. Almanaksárið skal vera reikningsár þess.

4. gr.

Aðalverkefni húsnefndar eru:

- að ráða húsörð, þar sem þess er þörf að dómi aðalfundar, setja honum starfsreglur og sjá um, að þeim sé fylgt;

- 38**
27. marz
- b. að ráða annað starfsfólk, ef aðalfundur telur það nauðsynlegt. Leita skal um-sagnar húsvörðar um ráðningu starfsfólks, sem á að vinna undir hans stjórn;
 - c. að ráðstafa félagsheimilinu til afnota fyrir eigendur og aðra;
 - d. að ákveða gjöld fyrir afnot hússins;
 - e. að annast kaup nauðsynlegra tækja og áhalda;
 - f. að sjá um viðhald og endurbætur húseignar, húsbúnaðar og áhalda;
 - g. að sjá um, að ræsting félagsheimilisins (húss og lóðar) sé jafnan í góðu lagi og að gætt sé ýtrasta hreinlætis í umgengni;
 - h. að sjá um, að húsið sé hæfilega hitað og lýst;
 - i. að sjá um, að löggæzla sé á samkomum, ef þess er þörf.

5. gr.

Eigendur félagsheimilisins skulu eins og aðrir greiða leigu fyrir afnot hússins. Skýlt er að heimila félögum, er greinir í 1. gr. laga nr. 77 1947, um félagsheimili, innan sama byggðarlags afnot af húsinu gegn hæfilegu gjaldi, ef eigi fer í bága við eðlilega þörf eigenda sjálfrá fyrir húsið. Verði ágreiningur um, hvort slíkt félag eigi rétt á afnotum af félagsheimili, sker fræðslumálastjóri úr. Úrskurði hans má skjóta til menntamálaráðuneytisins.

6. gr.

Leiga fyrir afnot félagsheimilisins skal ákveðin svo há, að nægilegt fé fáist til þess að inna af höndum nauðsynleg gjöld, ef stofnuninni koma eigi aðrar tekjur.

7. gr.

Þess skal gætt, að húseignir, áhöld og annað lausafé sé jafnan hæfilega váttryggt.

8. gr.

Félag, sem samkomu heldur í félagsheimilinu, skal hafa þar gæzlumann af sinni hálfu. Ef húsvörður er enginn eða eigi við, þegar samkomu lýkur, skal gæzlu-maður slökkva ljós, ganga örugglega frá hitunartækjum, opna loftræstingarop, koma húsbúnaði og áhöldum á sinn stað, koma óskilamunum í örugga vörzlu og loks loka vel gluggum og hurðum.

9. gr.

Að lokinni hverri notkun félagsheimilisins skal húsvörður eða húsnefnd sjá um ræstingu þess, þ. á m. að gólf séu þvegin úr sápuvatni, salerni hreinsuð vandlega með sótthreinsandi efni og fatageymslur, bað- og búningsherbergi ræst. Árlega skal fram fara gagnger ræsting alls hússins.

10. gr.

Ganga skal þannig frá lóðinni umhverfis félagsheimilið, að auðvelt sé að halda henni snyrtilegri, og skal húsvörður eða húsnefnd sjá um, að hún sé jafnan vel hirt. Lóðina skal girða traustri girðingu, er haldið sé vel við. Bifreiðastæði skal halda hreinlegu og vel við.

11. gr.

Fánastöng skal koma fyrir á húsinu eða við það. Hún skal vera traustlega fest og máluð hvít. Húnn og snerill mega þó vera í öðrum lit. Fánasnúran skal ávallt vera heil. Stöngin skal vera í tveim hlutum, þannig að auðvelt sé að fella hana, t. d. ef skipta þarf um snúru eða mála stöngina. Þess skal vandlega gætt að nota einungis fána með réttum litum og hlutföllum.

12. gr.

Árlega skal athuga húseignina alla vandlega með viðgerð fyrir augum. Einkum skal athuga: múrhúðun, þak, þakrennur, niðurföll, hurðir og dyraumbúnaði, glugga (utan og innan), málningu, gólfduka, klæðningu veggja, hreinlætistöki, eldavél og hitunartæki, raflagnir og ljósatæki, vatnslögn og krana, gluggatjöld, leiksviðstjöld, gólf í samkomusal o. s. frv.

38

27. marz

13. gr.

Skemmdir á húseign, áhöldum og húsbúnaði umfram eðlilegt slit skulu þeir bæta, er spjöllum valda.

14. gr.

Í félagsheimilinu má hvorki veita áfengi né neyta þess. Húsnefnd getur svipt þá, er gegn þessu brjóta, aðgangi að félagsheimilinu til tekinn tíma.

15. gr.

Reglur þessar, sem settar eru samkvæmt 8. gr. laga nr. 77 5. júní 1947, um félagsheimili, öðlast gildi þegar menntamálaráðuneytið hefur staðfest þær.

Framanskráðar reglur staðfestast hér með.

Menntamálaráðuneytið, 27. marz 1958.

F. h. r.

Birgir Thorlacius.

Ásgeir Pétursson.

Staðfesting forsetans á skipulagsskrá fyrir sjóðinn Vinaminni í Mýrahreppi í 39 Austur-Skaftafellssýslu, útgefin á venjulegan hátt ad mandatum af dómsmálaráðherra 22. apríl 22. apríl 1958.

Skipulagsskráin er þannig:

SKIPULAGSSKRÁ

fyrir sjóðinn Vinaminni í Mýrahreppi í Austur-Skaftafellssýslu.

1. gr.

Sjóðurinn heitir Vinaminni. Stofnfé hans er kr. 20000.00.

Sjóðurinn myndast þannig:

1. Af sjóði, er börn Álfheiðar Sigurðardóttur og manns hennar Benedikts Kristjánssonar, Einholti, hafa myndað til minningar um móður sína, kr. 5000.00.
2. Af sjóði, er myndaður hefur verið á vegum kvenfélagsins Eining á Mýrum, til minningar um ljósmóður Guðríði Guðmundsdóttur, Stórabóli, kr. 5000.00.
3. Af sjóði, er hjónin Sigríður Halldórsdóttir og Kristján Benediktsson, Einholti, gefa til minningar um fyrri konu Kristjáns, Jóhönnu Steinunni Sigurðardóttur, kr. 10000.00.
4. Af gjöfum og áheitum er sjóðnum kunna að berast frá mönnum er vilja minnst vina sinna á þann hátt, er sjóður þessi hyggst gera.